

欽定軍器則例

兵部謹

奏爲請

旨事竊查

臣部軍器則例一書於嘉慶六年奏明修

輯以來今已屆十年應修之限凡歷年欽奉

諭旨及內外臣工奏請事件并各省水陸營伍今昔

情形稍異一切配造軍械及停修存貯之件有

宜酌量變通以資利用者均應逐細增改載入

例內理合及時請

旨修輯恭候

臣等奉 聖旨下 臣部通行內外各衙門將水陸營伍額設軍械
詳細查明繪圖貼說於文到日統限三月內造
冊送部 臣等率同熟諳司員詳加參酌悉心核
辦其從前例內有應行更改增刪之處陸續奏
聞請

旨仍依全部修竣彙繕

黃州進

呈將項改各條詳細聲明恭候

定所需供事卽於 臣部書吏內擇其字畫端楷者

酌派三十名均令自備資斧辦理俟各該處查
報齊全勒限一年趕辦完竣至應刊板片毋庸
送交

武英殿動帑刊刻請卽照上次修輯中樞政考之
例飭令該供事等刊刻刷印樣本進

呈後臣部卽照例奏請頒行以歸迅速爲此謹
奏請

旨嘉慶十六年十一月十六日奏本日奉

旨依議欽此

兵部謹

奏爲修輯軍器則例告成恭

呈

御覽事竊臣部於嘉慶十六年十一月內奏明開館
修輯軍器則例自嘉慶六年纂輯後凡歷年欽
奉

諭旨及內外臣工條奏事件並各省水陸營伍今昔
情形稍異一切配造軍械及停修存貯之件有
宜酌量變通者均應逐細增改載入例內請行

文各該處詳細查報俟各處查報齊全勒限一年趕辦完竣等因具奏奉

旨依議欽此臣等隨揀派提調纂修等官督率供事恭查歷年欽奉

諭旨及內外臣工奏准事件凡有名目參差年限互異者均按旗營省分飭令各造清冊送部與舊例逐細斟酌內有增輯之處業經臣部列款具奏在案至各省冊造各營軍械有此營官製而彼營自備者有此營設立而彼營未備者有此

營演用而彼營存貯者有此處年分多而彼處年分少者係因地方繁簡互異今昔情形不同或因地氣之燥濕揀演之事兼原係因時制宜臣等悉心酌核自應照冊分營註定其修製年限仍循舊例辦理以昭核定所有各該省冊籍於本年七月內陸續到齊臣等督率提調纂修等官分門別類修輯成編其新增新改之處題目上粘貼黃簽本例前聲敘按語內外滿營綠營詳悉備載統計二十四本恭繕

黃冊裝潢六函敬呈

御覽恭候

欽定除_臣等及提調纂修等官不敢仰邀議敘外所有供事三十名係自備資斧在館當差均各始終奮勉卽繕寫

黃冊及刊刻板片均係該供事等承辦可否照_臣部節次修例舊案援照吏部則例告成之例給予議敘以示鼓勵之處出自

皇上

八恩如蒙

即允臣部照例分別等第移咨吏部查照辦理再此
次漢書告成後應行兼繕清書

黃冊進

呈刊刻頒行以昭畫一惟查清書較漢書卷帙繁
多需用供事應酌派四十名照例在臣部供事
及書吏內揀選仍令其自備資斧勒限八個月
趕辦完竣爲此謹

奏請

青嘉慶十九年十二月十二日奏本日奉

旨依議欽此

兵部謹

奏爲軍器則例緝譯清書完竣刊刻漢字板片告
成繕寫清字

黃冊刷印漢字樣本合併恭

呈

御覽事
前經臣部奏准修改軍器則例於上年十二
月內纂輯漢字

黃冊進

呈已蒙

御覽發交

臣

部辦理清書刊刻漢字板片酌派供事

四十名令其自備資斧趕辦完竣等因於嘉慶

二十二年十二月奉

上諭此等清書刊刻漢字板片酌派供事

事等上緊趕辦編寫清書計二十四卷刷印漢

字樣本二十四卷現已彙成軍器則例清漢全

冊共計四十八卷刷繕

黃冊裝潢十四函敬

呈

御覽伏候

欽定飭發臣部另繕清字副本趕緊刊刻至清書則
例所載係八旗京營東三省西北兩路新疆及
各處駐防應行事件均須一體頒行但卷帙浩
繁若不重以責成恐致稽遲時日請照上屆之
例仍責令承發收掌供事令其自備資斧另繕
副本購料鳩工勒限八個月將清書則例全行
刊竣刷印進

呈以便頒發如果依限全完可否量予議敘再行

請

旨辦理所有此次辦理清書及漢字樣本告成除
等並提調纂修繙譯等官不敢仰邀議敘外其
供事四十名均係自備資斧常川在館當差卽
繕寫

黃冊刊刻板片一切紙張工料亦係該供事等備
辦尙屬勤奮可否照部節次修例舊案援照
吏部則例告成之例給予議敘以示鼓勵之處
出自

皇上

天恩如蒙

俞允臣部分別等第造冊移咨吏部查照辦理爲此

謹

奏請

旨嘉慶二十年十二月十五日奏本日奉

旨准其議敘欽此

兵部謹

奏爲刊刻軍器則例清書板片告成刷印樣本恭
呈

御覽事先經臣部奏准修改軍器則例繕寫清書計
二十四卷告成仰蒙

欽定飭發臣部另繕清字副本趕緊刊刻至清書則

例所載係八旗京營東三省西北兩路新疆及各處駐防應行事件均須一體頒行但卷帙浩
繁若不重以資成恐致稽遲時日請責令承發

收掌供事令其自備資斧另繕副本購料鳩工
勒限八個月將清書則例全行刊竣刷印進
呈以便頒發如果依限全完可否量予議敘再行
請

旨辦理等因奏准在案 臣等隨飭令提調等官督率
該供事等繕寫副本購辦板片鳩工趕辦計刊
刻清書則例二十四卷業已完竣刷印樣本
黃冊裝潢六函恭

呈

御覽伏候

命下臣部卽照例刷印頒發內外各衙門一體遵循
除各供事等於清漢書述

呈時業經仰邀議敘外所有此次承辦刊刻清書
板片供事四名自備資斧繕寫副本購料鳩工
依限刊刻全完實屬勤奮可否請照臣部軍器
清書則例告成之例給與議敘之處出自

皇上

天恩如蒙

俞允 臣部移咨吏部查照辦理爲此謹

奏請

旨嘉慶二十一年七月初十日奏本日奉

旨依議欽此

欽定軍器則例

兵部堂官

經筵講官太保文華殿大學士文淵臣

閣領閣事管理兵部事務世襲騎都尉

董誥

太子少保協辦大學士內大臣閱兵大臣兵部臣

向書鑲藍旗漢軍都統管俄羅斯佐領三等襄勇伯

明亮

尙

書臣吳璥

署尙書工部尙書

臣周兆基

在部總管內務府大臣管理進辦事務副大臣鑲紅旗漢軍副都統鑲紅旗大臣鑲紅旗內務府大臣管理兵大臣鑲紅旗大臣鑲紅旗副都統鑲紅旗

宗室禧恩

左

侍

郎臣顧德慶

右侍郎總管內務府大臣鑲紅旗滿洲副都統臣

常福

右

侍

郎臣曹師曾

前任堂官

大學士管理兵部事務臣勒保

尙

書臣福慶

尙書調任工部尙書臣和寧

署尙書大學士管理戶部事務臣托津

尙書調任戶部尙書臣劉鏞之

尙書臣初彭齡

署尙書刑部尙書臣韓封

左

侍

郎臣成

書

左侍郎調任戶部左侍郎

臣

鑾恭

左侍郎調任吏部右侍郎

臣

普恭

左侍郎陞任都察院左都御史

臣

戴聯奎

左

侍

郎臣吳

烜

左侍郎調任戶部右侍郎

臣

盧蔭溥

左

侍

郎臣

吳芳培

右

侍

郎臣

明志

右侍郎調任盛京工部侍郎

臣

恩寧

右

侍

郎臣溫汝适

右

侍

郎臣周系英

右侍郎調任戶部左侍郎臣姚文田

原任堂官

尙

書臣恭阿拉

尙

書臣瑚圖禮

左

侍

郎臣萬承風

右

侍

郎臣胡長齡

提調官

武庫司掌印郎中陞任直隸霸昌道臣齡住

武庫司掌印員外郎陞任直隸永平府知府臣景慶

武庫司掌印郎中臣瑞林

武庫司署掌印員外郎臣家法蘭

武庫司郎中陞任廣西道監察御史臣王庭華

武庫司員外郎臣李振祐

纂修官

武庫司郎中陞任福建道監察御史臣特通保

前任武庫司員外郎臣宗室綱

原任武庫司員外郎臣鄂禮

車駕司郎中陞任江南道監察御史臣姚瑩

車駕司郎中臣袁應懌

武選司員外郎臣羅本立

前任武庫司候補員外郎臣韓錦

武庫司主事世襲雲騎尉臣王慶

司務坐辦武庫司事臣朱鑄

漢書校對官

武庫司額外郎中臣鮑步屏

職方司候補主事臣何炳燾

車駕司七品京官臣文柱

職方司七品京官臣李涵

武庫司七品京官臣余國琛

清書校對官

職方司郎中臣呈麟

武庫司郎中臣納蘇泰

車駕司員外郎臣文綸

車駕司候補員外郎臣永恒

職方司候補主事臣聯中

武庫司額外主事臣海齡阿

武選司筆帖式臣伊里布

車駕司筆帖式臣薩巴泰

職方司筆帖式臣關聖保

繙譯官

武庫司筆帖式臣德克精阿

武庫司筆帖式臣覺羅慶敏

武庫司筆帖式臣長和

欽定軍器則例目錄 卷之一

條例

營伍操演成法不得率意更張

稽察官兵器械

禁止營伍細樂

病故征兵身賻遺失軍械

演習鳥鎗管盛鉛丸

各省演習雲梯

各省兵丁兼習長矛旗數

東三省兵丁毋庸兼習長矛

稽察

紫雲城各門堆撥軍器

烏鎗箭枝式樣毋得輕改舊制

修整器械

修製軍器應照本營定例辦理

軍器缺額

預指俸餉製造軍器

修製軍械逾限

收貯盈餘軍械

撥補軍器

軍械完固毋庸屆限修製

庫貯軍械未屆年陟損壞

屯防處所庫貯軍械損壞

軍械破損匪不修製

出師官兵應給鍋帳數目

查辦夷務官兵隨帶鍋帳數目

軍營更換帳房鐵鍋等項定限

巡視青海會盟兵丁更換帳房鑼鍋等項定
限

換防兵丁攜帶軍械修製限期

出師官兵攜帶軍械如有損壞隨時修製

出洋捕盜軍火器械其隨時補製

在京各旗營修製軍械先期報部

修製軍裝器械分別題咨辦理

各營庫貯銅鐵軍器回火抵用

各州縣查辦庫貯銅鐵器械

內務府庫貯綿甲

各省滿綠各營製造綿盔綿甲

燒燬兵房盔甲器械

盧溝橋演放礮位

各省礮位建置礮車

存留烏鎗地方

營伍操演成法不得率議更張

雍正五年奉

諭各處營伍所習武藝所用器械操演隊伍向來原
無一定之例是以武弁到任往往以已所好尙及素
所熟習者操演所屬兵丁間或學習未久而接任官
又別有意見將從前所習者更改調換是兵丁之技
藝每視該上司之去留以爲轉移非訓練專精之道
也凡事久則熟熟則生巧宜令各省將軍督撫提鎮
因地制宜酌定規制永遠遵奉除騎射最爲緊要天

下通行學習外其餘各種演習悉著該上司會同通
省官弁細心斟酌應如何操練用何軍器詳悉定議
奏聞令各營永遠遵行接任官不得擅自更改倘將
來有應行變通之處著具題請旨如此兵丁各精其
業且使一省之中彼此盡一將來或有調遣會集之
處止可相資爲用於訓練營伍大有裨益欽此

稽察官兵器械

乾隆十五年奉

上諭八旗官兵器械缺少者均咨部官爲造給器械內
弓箭尤爲緊要惟賴不時整理善爲收貯從前兵部
八旗都統會議訓飭八旗官兵將器械善爲收貯曾
經奏准施行今都統等或因日久廢弛不以爲事亦
未可定著再行傳諭務遵原奏留心訓飭稽察欽此

禁止營伍細樂

乾隆二十二年三月內奉

上諭今日朕至杭州省城其接駕之綠營兵丁有奏簫
管細樂者夫身隸行伍當以騎射勇力爲重戎樓鼓
角不過用肅軍容卽古者鐃歌鼓吹之詞亦以鳴其
得勝之氣耳若彈絲吹竹茲近優伶豈挽強引重之
夫所宜相效此等綠營陋習各省均所不免可傳諭
各該督撫提鎮等轉飭所屬標營嗣後營伍中但許
用鉦鼓銅角其簫管細樂概行禁止欽此

病故征兵免賠遺失軍械

乾隆三十六年六月內奉

旨病故人等應行賠補殘壞軍器銀兩雖應賠補但伊等已經病故若照現今所議著落伊等家屬賠補朕心不忍著施恩從寬免其著落伊等家屬賠補餘依議欽此

演習鳥鎗實盛鉛丸

乾隆六十年九月內奉

青銅後兵丁演習鳥鎗必實在盛入鉛丸演習斷不可
空放鳥鎗欽此

各省演習雲梯

嘉慶元年三月內奉

上諭昨據畢沅奏賊匪屯聚當陽城內現用礮轟擊等語此等么磨烏合各路大兵雲集自早已悉數殲除但以礮轟城虛糜火藥與磚石爲敵實爲拙計業經降旨訓飭因思健銳營向設有雲梯一項專挑兵丁習演最爲趨捷卽如目下荊州剿捕賊匪若該處滿兵習用雲梯豈不易於歲事何至用礮攻擊致耽時日嗣後外省有駐防滿兵處所該

將軍等亦當倣法挑選數百名演習雲梯而綠營
中兵數較多每省督撫提鎮標下亦可酌挑一二
千名使之隨時演習俾臻精熟兵可百年不用不
可一日無備所謂凡事豫則立但不可有名無實
耳將此各諭令知之欽此

各省兵丁兼習長矛額數

嘉慶十一年十二月內奉

上諭德楞泰等奏酌議陝甘各標營於弓箭兵內挑
十分之二兼令習矛製造丈尺有定不得過長等
語一摺營伍軍器以弓箭烏鎗爲重必當操演精
熟以昭武備至長矛一項祇係挑刀簾牌等雜技
中之一前因河北鎮總兵蔡鼎奏請於弓箭兵丁
內酌派十分之二兼習長矛曾諭令各省營制酌
定額兵演習因思長矛究非營伍緊要技藝兵丁

於練習弓箭鎗外兼習其技以資刺擊原無不可若因練習長矛於弓箭鎗轉致生疎殊屬輕重失宜非所以飭戎器而講武藝也且矛杆過長於運用不靈尤不足資擊刺若云深林密箐長矛較爲便利則更無此理嗣後各省營制訓練卒伍總當以操演弓箭鎗爲正技長矛祇可令其兼習並著於額兵內祇酌定十分之二不許過額其製造矛杆不得過一丈如有違式製用者經該管大員查出卽嚴行懲治並將該將領一併叅處將

此通諭知之欽此

東三省兵丁毋庸兼習長矛

嘉慶十一年十月丙奉

上諭觀明等接奉將應否揀選兵丁加演長矛定擬具奏諭旨奏稱該處兵丁生計曠地方情形俱不相宜請令伊等仍務舊業勤習馬步箭鳥鎗及一切馬上技藝請旨一摺所奏甚是東三省兵丁等均資打獵爲生於馬步箭鳥鎗等技藝原屬精銳虎鎗亦爲熟練今若令伊等與綠營兵丁一體兼習長矛誠恐於伊等演習馬步箭鳥鎗一切馬上

技藝不無妨礙著交盛京吉林黑龍江將軍等將
該管兵丁等均毋庸兼習長矛務令伊等演習其
業馬步箭鳥鎗馬上技藝等項期於精熟欽此

稽察

紫禁城各門堆撥軍器

嘉慶四年七月內奉

上諭據前鋒統領護軍統領等將紫禁城內外門
撥所設軍器內破壞等件開單奏請交武備院
理等語紫禁城內外門堆撥所設弓箭長槍撒
各項軍器理宜修理完固非惟以壯觀瞻務期
之堅利現雖五年一次修理諒亦不過塞責並未
修造妥善茲既據前鋒統領等將應行修補軍械

欽定軍器則例

卷一

條例

三

數目開單請修著交武備院查明現在所欠何項
即行照數補足其請修各項內如尙可修理者卽
行修理儻破壞已甚卽另行製造頒給所有此次
修造各項務期堅固銳利斷不可仍前草率塞責
該前鋒統領護軍統領等亦當隨時留心照管勿
俾所屬人等任意殘毀欽此

嘉慶十年三月內奉

上諭本日據前鋒統領護軍統領等奏稱遵旨遍查
各門堆撥器械有虧舊損壞應行修補者照例咨

行武備院修理其稍覺鈔舊者亦著陸續一律抽換外嗣後器械內如有損壞令其一年兩次各行該院修補至五年仍令照例修造整齊更換等語俱著照所請行兵者原可百年不用不可一日不備紫禁城內外各門堆撥俱有官給槍刀器械排設值班官兵俱各令佩帶腰刀原以防倉猝意外之虞並非徒壯觀瞻而已但承平日久官兵怠玩成習漸至舊章廢棄其各門堆撥值班官兵見王大臣經過始行匆忙覓取腰刀佩帶或竟有倉猝

金匱要略卷之九
不及佩帶者卽各門值班侍衛等亦然此朕素所深知昨神武門章京護軍等擒拿逆犯薩彌文之時乃係奪取該犯所執槍刀扎砍顯係維時伊等並未佩帶腰刀本應將伊等治罪但念擒拿逆犯時尙屬俱各奮勉故未深究仍將被該犯砍扎受傷之章京護軍校護軍等分別陞賞此朕格外恩施伊等不可不知也嗣後各門堆撥所設器械著不時查點務使銳利適用值班侍衛章京護軍校護軍等務令俱各常川佩帶腰刀違者該管大臣

等嚴叅懲治並將此通諭諸王大臣等每遇經過
紫禁城內外各門堆撥時若值班官兵內有不佩
帶腰刀者卽行查問告知該管章京大臣等嚴行
辦理儻該管章京大臣等瞻徇不辦卽將該管章
京大臣一併叅奏著將此旨敬謹抄錄於各門堆
撥值班房內各貼一道示諭值班官兵永遠遵行
慎毋視爲具文因循塞責尋復廢弛如有不遵定
卽從重治罪決不輕貸將此通行曉諭俾各實意
奉行欽此

烏鎗箭枝式樣毋得輕改舊制

嘉慶七年五月內奉

上諭王德奏營伍操演鎗箭請除去鎗上所釘星斗並請射靶俱改用梅針箭一摺所奏大屬紕謬施放烏鎗全憑鎗上所釘星斗爲準若平素演習精熟自能便捷命中今王德因閩浙營兵放鎗遲慢手顫欲將星斗除去殊不思兵丁等執鎗手顫自因演習生疎所致應卽將該兵丁等責懲豈除去星斗卽不手顫乎至所稱軍營用箭皆係梅針營

兵操練射靶所用鏹子箭頭輕翎大不過架勢飾
觀應改用梅針箭等語亦不成話箭枝式樣種種
不同各適於用其箭鏹翎羽之輕重總視弓力爲
準如射鵠則用飽頭射靶則用鏹箭射牲則用銳
箭臨陣則用梅針隨地異宜總在發矢有準如果
將鏹箭演習純熟卽易用梅針必能一律命中若
平日操演必須改用梅針方能射賊則樹侯設正
亦非臨陣時所用豈有以人爲的竟將應死罪囚
試演射藝之理眞所謂無知瞽說矣我朝武備整

齊弓矢鎗礮最爲軍器利器法制精良百世不易
乃玉德輒思變改舊制此奏若出於提鎮漢員內
已屬不經況玉德係滿洲總督竟於本朝武備成
法懵然不知率議更張尤爲謬妄玉德著拔去花
翎傳旨嚴行申飭仍令文部議處嗣後八旗各營伍
及督撫提鎮等惟當仰各營官兵勤加訓練以期
技藝嫻熟悉成勁旅毋得妄逞臆見輕改舊制將
此通諭知之欽此

修整器械

一 直省滿綠各營額設軍械無論銅鐵木革綱

布均應妥爲收貯遇有損壞

滿營詳請將軍都統副都統綠

營詳請總督巡撫

派委大員令其切實查明已逾應

製應修年分實在損壞者造具冊結送部准

其動項修製工竣之日委員查驗造具冊結

報部覈銷換下銅鐵回火抵用每十斤准折

耗二斤不准作荒銅鐵覈銷其餘舊料變價

抵用儻有未屆年限竟至損壞者如係經管

之員收職不愼罰俸六個月仍將原械開銷
之價按其未滿年限作爲分數勒令賠補如
係承辦之員偷減工料查明不及定限之半
者責令全行賠補已逾定限之半者將原械
開銷之價按其未滿年限作爲分數勒令賠
補未辦之員追不足數於各上司及驗收之
員名下追賠仍將承辦之員革職提問失察
之上司及查驗不實之委員各降三級調用

修製軍器應照本營定例辦理

一凡同一軍器有旗官製而綠營自備者亦
有此營官製而營自備者其修製年限又
有此營年分多彼營年分少者均因地方
酌定遇有修製俱應按本營定例辦理毋
得將各省別營例比照援引

軍器缺額

一八旗駐防存貯軍器如有無故缺額經該管大臣查出題叅者將專管官罰俸一年該管上司罰俸六箇月照數分賠如該管上司查出揭報者將專管官罰俸一年獨賠俱限六箇月賠完如逾限不完將專管官住俸該管上司停陞仍令按數賠補俟賠完之日開復其兵丁缺少該管官自行查山揭報追補足額者免議至於駐防新舊各官俱限一月交

代離任官員取新任官查收清楚回文方許
起程接任官員如已經交盤並無缺少造冊
出結通報該管上司大臣歲底造冊報部如
舊官推卸玩延新官指勒隱匿俱照交代遲
延例分別議處逾限十日以上者罰俸三箇
月一月以上者罰俸六箇月三月以上者罰
俸一年半年以上者降一級留任至病故之
員缺少軍器者如該管上司病故著落專管
官獨賠專管官病故著落該管上司獨賠儻

專管官及該管上司一時病故著落從前未經查出之專管官及該管上司賠補其缺少之軍器如果係歷久朽壞出師缺損因公動用者准其報明兵部動項補造儻有借端派累者俱照因公科歛例將爲首之員降一級調用爲從之員罰俸一年

一綠營軍器以都司守備爲專管官副將叅將遊擊爲兼管官其營中軍火甲械有無故缺額者經總督巡撫提督總兵題叅將專管官

罰俸一年兼管官罰俸六箇月照數分賠如
兼管官查出揭報者將專管官罰俸十年獨
賠俱限六箇月賠完如逾限不完將專管官
住俸兼管官停陞仍令按數賠補俟賠完之
日開復其兵丁缺少該管官自行查出揭報
追補足額者免議至病故之員缺少軍器者
如兼管官病故著落專管官獨賠專管官病
故著落兼管官獨賠儻專兼各官俱各病故
著落從前未經查出之專兼各官賠補其缺

少軍器如果係歷久朽壞出師缺損因公動
用者准其報明兵部動用公費銀兩按數製
補免其議處儻有借端派累營中弁兵製備
者降一級調用不行揭報之該管官罰俸九
箇月

預指俸餉製造軍器

一八旗官兵自備之弓箭撒袋腰刀遇有缺少及年久損壞無力修製者准其預指俸餉製造該叅領佐領查明呈報都統造具細冊分送該部照定式製造給與其工價銀兩官員於俸銀內作四季扣完兵丁於錢糧內作二十箇月扣完俱造入俸餉冊內咨明戶部坐扣

一各直省綠營兵丁自備軍械內弓箭撤袋腰

刀遇有年久損壞無力修製者准其預指餉銀製造由各該營查明軍械名目件數詳報總督巡撫造具工料清冊咨送兵部覈准後卽行動項派員製給其用過工價銀兩在於兵丁錢糧內作二十箇月扣完如兵丁遇有事故缺出將原製軍械給與新頂補之人其未完工價卽在頂補之人應領錢糧內照數核算扣抵還項至借動銀欸及應扣銀兩俱令造報戶部查覈

修製軍械逾限

一、直省滿綠各營修製行軍攜帶軍械應聽各該省將軍都統副都統總督巡撫酌量緩急臨時定限辦理如不依限速完以致遲誤將承修承製督修督製之員嚴叅從重議處修製尋常操演及換防需用各軍械俟報明兵部覈准後卽令領項興工如物料工價二百兩以內者限一箇月五百兩以內者限兩箇月一千兩至二千兩以內者限三箇月三千

兩至五千兩以內者限四箇月承修官員依
限修製如式完竣卽行詳請將軍都統副都
統總督巡撫提督總兵派委委員逐細查驗
造具冊結將興工完工各日期詳細聲明以
憑稽覈如不依限完竣者將承修承製督修
督製之員附參議處

一凡官員製造緊急軍器不依限速完渥誤者
革職督製官降三級調用將軍都統副都統
總督巡撫提督總兵降三級留任若修製

常操演及換防需用各軍械如有貽誤承修
承製官逾違不及一月者免其議處一月以
上者罰俸六箇月兩月以上者罰俸一年三
月以上者罰俸二年四月以上者降一級留
任五月以上者降一級調用督修督製之員
違限一月以上者罰俸三箇月兩月以上者
罰俸六箇月三月以上者罰俸一年四月以
上者罰俸二年五月以上者降一級留任將
軍都統副都統總督巡撫提督總兵違限一

月以上者免議兩月以上者罰俸三箇月三
月以上者罰俸六箇月四月以上者罰俸九
箇月五月以上者罰俸一年如承修承製之
員玩視軍儲將應領之帑延挨請領者按其
違限月日照修製逾限例分別議處僅該上
司故意勒掯以致遲誤者將該上司降二級
調用承修承製官免議

收貯盈餘器械

一直省滿綠各營盈餘器械如有混行銷燬遺失或堆貯潮濕地方以致銹壞者將該管官罰俸六箇月仍令照數賠補

撥補軍器

一直省滿綠各營額設軍械逾限損壞如該營
尚有存貯盈餘軍械卽照數撥補毋庸另行
製造仍將撥補之處詳明該管上司報部備
案并將損壞軍械銅鐵斤重咨部查覈遇有
製造別項器械准其撙抵應用其餘舊料據
實變價報撥

軍械完固毋庸屆限修製

一各直省庫貯軍械雖逾定限尙屬完固整齊者毋庸拘泥限期修製致滋糜費如有限期雖屆將完固軍械因有例定年限率行報部冒混修製者別經發覺除不准其開銷外將查驗不實之各上司及冒混請修各官一併從重議處

原缺

軍械破壞匿不修製

一各直省庫貯械未屆年限破損該管督撫
千吏議任其廢棄匿不詳請修製者該督撫
於閱操之時查明奏奏照例議處

出師官兵應給鍋帳數目

一出師官兵支給鍋帳一品官并蒙古王公頭等台吉連跟役給鍋帳四頂副二三品官二三等台吉連跟役給鍋帳三頂副四五品官四等台吉連跟役給鍋帳二頂副六品以下官連跟役給鍋帳一頂副兵丁四名鄉勇五名長夫十名各合給鍋帳一頂副隨營總理辦差道府糧務同知通判知州知縣佐雜等官各照出師官員之例按品給與鍋帳

查辦夷務官兵隨帶鍋帳數目

一四川省出派查辦夷務五品以上官一員支給鍋帳一項副千把外委兵丁各按五名給鍋帳一項副

一四川省漳臘營遊巡色住卡阜和協左營遊巡革齋各選派熟諳夷務千把總一員馬步兵二十名均於每年六月初旬派往九月回營共帶鍋帳一項副

軍營更換帳房鑼鍋等項定限

一征防官兵隨帶之夾帳房大涼篷按八箇月
單帳房小涼篷按四箇月各准其更換十分
之五以次遞加增換其隨配帳房之鑼鍋鍋
棒鍋撐鐵欽鏝頭鐵斧鎌刀鐵鋤鐵鋤鐵錘
等項計及三年准其更換一次換下各項銅
鐵妥爲收貯卽將斤重數目報部查覈遇有
製造軍械之時卽取此項銅鐵回火抵用報
部開銷其餘舊料據實變價解交藩庫報撥

巡視青海會盟兵丁更換帳房鑼鍋等項定

限

一甘肅省巡視青海及玉樹等處會盟兵丁攜帶之夾帳房按六次計及十箇月單帳房按三次計及五箇月各准其更換十分之五以次遞加增換其隨配帳房之鑼鍋鐵鍬攜帶二十次計及三年實有破損准其貼換換下各項銅鐵妥爲收貯卽將斤重數目報部查覈遇有製造軍械之時卽取此項銅鐵回火

欽定算器具

卷一

三

抵用報部開銷其餘舊料據實變價解交藩

庫報撥

換防兵丁攜帶軍械修製限期

一直隸山西陝西甘肅等省兵丁前往西北兩
路新疆換防攜帶盔甲三十年製十五年修
號帽號袍號褂鐵鎗雨鎗套雨箭罩雨旗套
雨礮罩雨方套毛罩水火袋二十年製十年
修腰刀鐵斧烏鎗四十年製二十年修旗幟
九龍袋火藥葫蘆二十五年製十三年修夾
帳房夾帘子夾綳子十六年製八年修單帳
房單帘子單綳子八年製四年修木櫃梅花

椿十年製五年修隊鼓十年後如有破損准其更換鑼銅銅鑼長號十年後如有破損准其貼換行營礮三十年後實有炸裂准其鑄造十五年後口門寬大准其修理鈴鐺十五年更換風繩三年更換銅鑼鐵火筒斧頭鎌刀鐵鍬鐵鉞頭鐵杓鍋椿令各該省確切查明如實有損壞准其隨時修製

一四川省兵丁前往西藏與防牆帶鳥鎗四十一年製二十年修夾帳房夾綳子夾帶子十六

年製八年修單帳房單縹子單帘子八年製
四年修攔馬椿鈎尾樑杆六年製三年修大
纛什長旗督陣紅旗早布旗套十二年製六
年修皮蝦蟆三年更換

出師官兵攜帶軍械如有損壞隨時修製

一出師官兵攜帶軍器械先期咨報兵部備案於凱撤回營之時派委文員會同該管官員確切查驗將帶回堪用之件儘數歸還其損壞各件准其隨時修製如有浮冒經部查出或別經發覺將查驗及承辦各員嚴叅議處

出洋捕盜軍火器械准其隨時補製

一水師省分出洋捕盜用去軍火及損壞軍裝
礮械准其隨時補製在於各營公費銀兩內
動用造冊報部覈銷

在京各旗營修製軍械先期報部

一在京各旗營額設軍械如例應動用官項銀兩修製及由工部內務府武備院造辦處鐵匠營支領之件俱應先期查明原製原修原領年分造冊報部由兵部按例覈准後再行修製支領

修製軍裝器械分別題咨辦理

一 直省滿綠各營遇有應行修製軍裝器械需

用銀數在一千兩以上

滿營由將軍都統副都統綠營由總督巡

撫造冊具題一千兩以下造冊咨報兵部均

按例覈明俟覆准之後方准動項修製請銷

如同一標營同時修製軍裝器械需用銀數在一千兩以上者不准分案咨報仍照例具

題如不候部文擅自動項修製報銷者將承

辦轉詳出咨各官照添建營房率行請銷例

議處

各營庫貯銅鐵軍器回火抵用

一直省滿綠各營廢鎗廢礮及一切火器皆係
精熟銅鐵報部存案妥爲收貯不准變價過
有製造軍器之時卽取此項銅鐵回火抵用
報部開銷

各州縣查辦庫貯銅鐵器械

一直省各州縣庫貯一切殘廢銅鐵器械及收繳入官礮位刀鎗等項各該督撫隨時飭查如有堪用之件酌撥就近營汛應用其殘廢不堪適用者不准銷鑄變價卽將斤重數目移知就近營汛遇有製造軍械之時領取應用並每年年終將移交各營堪用器械件數及存貯殘廢銅鐵斤重分晰造冊咨送兵部

查覈

內務府庫貯綿甲

嘉慶十九年十月內奉

旨嗣後內務府庫貯綿甲支存數目至三千件者著
行文三處織造照例成造解庫備用欽此

各省滿綠各營製造棉盔棉甲

一各省駐防綠營棉盔棉甲遇有逾限損壞及
缺額者應令各該處動項就近官爲修製不
准赴京請領

燒燬兵房盔甲器械

一官兵汛署係民間失火延燒以致燒燬房屋
盔甲器械等物者該管官仍按向例燒燬房
屋數目分別議處房屋盔甲器械准其動項
造補係該管兵丁汛守處所起火燒燬者將
該管官降一級留任如係本管衙署巡防不
謹以致燒燬者將該管官降一級調用兵丁
治罪燒燬之房屋盔甲等項著落該管官賠
補

盧溝橋演放礮位

一 八旗漢軍每年秋季每旗各出礮九位制勝礮二

位神威礮七位共七十二位並將各城門歸入之渾

銅紅灰得勝發煩臺灣神功木鑲等礮按門

輪流挨次演放以四門為一次第一次鑲黃

演安定門東便門德勝門西便門第二次正

自正紅二旗出演東直門廣渠門西直門廣

寧門第三次鑲白鑲紅二旗出演朝陽門左

安門阜成門右安門第四次正藍鑲藍二旗

出演崇文門永定門正每屆三年於每旗

陽門宣武門迺而復始

應出礮九位內兵部酌撥一千斤神功礮二

位五百斤制勝礮二位四百斤祿威礮五位
又於八旗酌撥九節十成銅礮一位輪出九
節十成礮旗分卽少出神功礮一位又於八
旗輪派二千斤以上無敵大將軍銅礮一位
共七十三位奏請帶往盧溝橋自九月初一
日起至初五日止每日每礮演放三出五日
共演放十五出每屆三年將兵部堂官開列
職名奏請

欽點

一員前往驗看一次如值驗看之年適遇武會

試於九月初五日開考外場兵部堂官分圍
監試難以分身改於九月二十一日至二十
五日演放如驗看之年不值會試仍於九月
初一日至初五日舉行每年應派監放大臣
由鑲黃旗漢軍都統會同各旗漢軍都統開
列職名奏請

欽點都統副都統各一員并請

欽派御前侍衛乾清門侍衛八員管轄礮車如遇

皇上巡幸之時留京辦事王大臣奏派門上侍衛八

員每旗仍各派管理礮營叅領一員章京驍
騎校各五員兼管火藥官二員每佐領下領
催一名兵五名每旗礮手四十名除該班外
俱行派往先期請礮赴盧溝橋演放之日祭
礮畢將礮位無論大小重輕均各於一百步
設立礮靶演習無敵大將軍神功制勝神威
九節十成等礮每礮演放十五出中十三出
爲合式渾銅紅衣得勝發煩臺灣神功木鑲
等礮每礮演放十五出中十出爲合式若中

不及額欠少一二出者將礮手責四十棍少
中三出以上者責八十棍如能多中一出者
礮手賞銀一兩二出以上者賞銀二兩俱在
八旗漢軍房租款內動支礮營叅領於所管
礮位每礮俱少中一二出者記過二次年終
叅領分內紀錄不准給與每礮俱少中三出
以上者礮營叅領罰俸一年仍停陞一年如
每礮俱能多中一出者礮營叅領紀錄一次
每礮俱多中二出以上者紀錄二次若中數

僅能合式或並非全數多中少中毋庸議處
議敘至每礮演放十五出應用火藥烘藥鉛
子鐵子藥信火繩等項數目俱視礮位大小
合計帶往演畢後監放大臣將演過之礮按
位黏封交該礮營存記挨次運往演放如制勝礮
每旗各設六位每年出演二位三年始行一
週凡演過礮位至第四年方許出演其餘各
礮各旗額設數目多寡不一俱做此輪流出演
俟演礮時監放大臣
會同侍衛等詳細查驗黏封年分如有將未
屆應演年分礮位誤行運出充數演放者據

實叅奏將兵丁照不應重律杖八十照例鞭責發落礮營叅領降一級留任都統副都統各罰俸六箇月

一 礮營

正陽等內外十六門存貯神機神樞礮共一千七

百二十九位按十六門均勻分貯

正陽門收貯一百

零九位其餘十五門收貯一百零八位

專歸八旗漢軍經管每

年秋季操演鳥鎗時各旗均勻搭配五十四位運赴教場出鏑一次每次演放二出出鏑

後卽行籤記數計四年之中卽可通行出鑄
每屆三年各旗於出鑄礮位內均勻搭配二
十七位隨同八旗局礮運往盧溝橋八旗合
立一營演放五日每日每礮各演三出卽令
欽派演礮大臣監視演放數計二十四年一週其放
出之鉛丸係屬碎子毋庸計算準頭成數儘
收儘銷

一赴盧溝橋演放礮位之驍騎校兵丁等每日
各給飯銀一錢於起程前八旗礮營造冊由

戶部支領應用帳房及火藥火繩鉛子鐵子木牌支杆該旗營先期移咨工部領取俟回京之日將帳房繳還工部至所需器具運腳等項於事竣之日八旗礮營造報戶部支領神機神樞礮位秋季出銹所需運腳亦由戶部支領

一八旗滿洲火器營子母礮四十位每年秋季俟八旗漢軍礮位演放完竣後奏請帶往盧溝橋演放五日派出翼長二員管礮營叅領

八員印務筆帖式一員藍翎長二十名隊長二十名甲兵四百四十名前往將滿洲火器營大臣繕寫綠頭牌奏請

欽點一員前往驗看操演兵丁等每人每日給路費銀一錢其應用帳房車價祭礮馱礮馬匹以及火藥鉛子鐵子木牌等項俱由火器營移咨各該處領取

原缺



存留烏鎗地方

一 各省地方烏鎗不許存留其湖南省之辰州府屬乾州廳鳳凰廳永綏廳辰谿溆浦沅陵瀘溪寶慶府屬城步邵陽新化武岡州新寧沅州府屬芷江黔陽麻陽永順府屬永順保靖桑植慈靖州并所屬通道綏寧會同衡州府屬常寧酃縣永州府屬零陵祁陽東安道州寧遠永明江華新田郴州并所屬宜章興寧桂陽桂東桂陽州并所屬臨武藍山甘

肅省蘭州府屬循化河州西寧府屬巴燕戎
格西寧碾伯貴德鞏昌府屬洮州岷州甘州
府屬撫彝張掖山丹涼州府屬平番鎮番肅
州廣東省廉州府屬合浦連州屬連山廣西
省桂林府屬靈川興安陽朔永寧永福義寧
全州灌陽平樂府屬恭城荔浦富川梧州府
屬藤縣容縣懷集潯州府屬平南南寧府屬
橫州永淳新寧上思思恩府屬武緣賓州遷
江上林百色泗城府屬凌雲西隆西林鎮安

府屬小鎮安天保歸順奉義山西省太原府
屬岢嵐州嵐縣興縣平陽府屬臨汾洪洞浮
山岳陽汾西吉州鄉寧汾州府屬汾陽孝義
石樓永寧寧鄉大同府屬大同渾源靈邱廣
靈豐鎮廳朔平府屬朔州右玉左雲寧遠廳
澤州府屬鳳臺陵川陽城遼州屬和順沁州
屬沁源武鄉平定州屬樂平忻州屬靜樂代
州屬繁峙五臺霍州屬趙城隰州屬蒲縣直
隸省承德府屬平泉州灤平建昌豐寧赤峯

朝陽四川省雅州府屬天全雅安名山榮經
蘆山清溪寧遠府屬會理州西昌冕寧鹽源
松潘雜谷茂州汶川保縣西陽州并所屬秀
山黔江重慶府屬璧山敘州府屬馬邊屏山
雲南省永昌順寧山東省登州府屬寧海州
河南省河南府屬登封等處地方應留鳥鎗
桿衛者准照營兵鳥鎗式製造刊刻姓名具
呈地方官編號登冊至貴州省有必需防禦
之舊存鳥鎗無論民苗亦俱令報官編號以

儲稽察

一四川省各州縣額設民壯揀派十分之六演習鳥鎗該督嚴飭所屬實心訓練與兵丁等技藝一律講求務臻純熟其應給鳥鎗編明字號收貯縣庫每遇操演之期赴縣領出演畢卽行繳貯仍令該管上司隨時稽察如該地方官有濫給領出致滋事端者據實查叅交吏部議處

二閩浙二省沿海各州縣民壯准其演習鳥鎗

協同營兵以防洋盜仍令各該州縣將烏鎗
火藥等項收貯庫內於操演之期始准發給
演畢卽行收貯不許民壯等私存致生事端
並責令該管道府隨時稽察儻州縣官奉行
不力平時不將烏鎗火藥嚴禁收貯卽將地
方官據實嚴叅覈辦其餘非沿海州縣所有
民壯等概不准演習烏鎗